

# MPOX

## NU EBEIT IJO AIJEN

Mpox (onyritete sek Monkeypox) erai adeka na ikur na ejai otiang lu okitwii (adeka na ekora anyoun otiang itoni otunga arai na ikopunete itunga kanejaas itiang) nada ejai amagoron nu epolor edou kwapenat aiboisio nuka central ka west Africa nes ikoponar aiboisio acieda.

Mpox erai ikur luenyaritai viruses eyangaunete. Ijenuneta ke eputosi keda lu itunga kalu edekasi smallpox, araida mam eroko noi.

### Ijenuneta ka awanyuneta:

- Aigwaigwa na emukule
- Emusuja
- Aipii na iporotoi
- Airieb na akou
- Apipilu na akwan
- Airieb na epura ka angabet
- Edite agogongu akwan
- Abuonor na iporotoi



### Eipone ali ekorar?

- Agonganakin na itunga:
  - Agonganakin na awate arai emukule ka einyal na akipi nu awate
  - Aiyanganar ekwam loaronon arai ikur
  - Akora naepol na itijenaritai erai kotoma owai lo aelo
  - Iboro lu ipwokuna, kwapenat, ipisoi, tattoos (aputosia nu igirio awate), iboro luperis, igoen, inapen, iboro lu enyamere ka iboro lu eyelore, ka icieda.
- Mpox ikopa otunga kowai lo agonga keda itunganan yen edeka arai etiang arai keda idiobore yen ejaas keda ikur luka Mpox

### Ingaibo ejai ationis na aikatun Mpox?

Itunga lu idila agonga arai aineranara keda adekak luka Mpox, kwape itunga lu okale ka itunga lu edukosi (imoriarite lu agwelanarak aelo)

Itunga lu idarete adekak luka Mpox komam itwasamaete iboro lu eyuaritos awate

Itunga lu amejak, aarak, adakak, atubok ka ajengak itiang kwapenat ikunyuko, imirio, ka idokolen

Itunga lu iswamaete laboratories komam itwasamaete iboro lu eyuaritos awate

Idwe, angor nu apotjok, keda angor nu adisiar agogongu kanu adekasinei acie

Itunga lu ipu itunga lu eyelototor arai ameeet aelo keda itunga lu mam ijo ijeni

Araida ejaasi itunga icie ationis naepol adepar icie, epolok nu ayiitunite ebe idio itunganan kere, kanenidio kere, epedori aikatun Mpox

**Kanu adumun nuipu, odolok Eministre loka angaleu enaba loaitai: 0800 100066 arai ijuka SMS atitai U-Report on 8500**

### Eipone ali iyuaritor ijo akwan kon mam aikatun adeka?

- Mam idunyanakin (mam agonga eiteo-keda-eiteo, emukule-keda-emukule, akituk-keda-emukule kosodi akituk-keda-akituk) keda itunga lu adaun angicun ebe edekasi Mpox arai lu ejatatar keda ijenuneta luka Mpox.
- Mam Osac atironor arai aimor iboro kwape, iperito, iboro lu inyamis, igoen, isimun ka icieboro luikamunitos itunganan yen ejatatar keda ijenuneta ka awanyuneta nuka Mpox
- Mam Osac agonganakin keda itiang kere lu okitwii (lu ejarete aria luatwak), kacut ngul lu ejena ebe ejatatar keda adeka kwape, imirio arai idokolen keda ngul lu esubitos bala edekasi arai lu etwakitos.
- Mam ainyam itiang lu okitwii (ikunyuko, imirio ka idokolen)
- Epedorio aijaikin itunga ekato loka smallpox lu egongakinos keda itunga lu edekasi arai itunga lu ejaas ationis naepol na aikatun adeka